

楊家駱主編
中國學術類編

清詞別集
百三十四種
八

鼎文書局印行

楊家駱主編

中國學術類編

鼎文書局印行

清詞別集百三十四種 第八冊

○六六 彭兆蓀：小謨觴館詩餘

○六七 嚴元照：柯家山館詞

○六八 改琦：玉壺山房詞

○六九 趙慶熺：香消酒醒詞

○七〇 宋翔鳳：浮谿精舍詞之一 香草詞

○七一 宋翔鳳：浮谿精舍詞之二 洞簫詞

○七二 宋翔鳳：浮谿精舍詞之三 碧雲奩詞

○七三 王敬之：三十六陂漁唱

○七四 湯貽汾：畫梅樓倚聲

○七五 葉申薌：小庚詞

○七六 周 濟：味雋齋詞

○七七 董士錫：齊物論齋詞

小謨觴館詩餘

彭兆蓀（乾隆三三——道光一）

字湘涵。江蘇鎮洋人。貢生。道光元年薦舉孝廉方正。未就而卒。自少爲閱覽博物之學。覃精訓詁。爲文鴻博沈麗。著有潘瀾筆記懺摩錄文選考異小謨觴館集等。

序

填詞至近日。幾於家祝姜張。戶戶朱厲。予方心沓舌。無志與諸子爭長。而瀏覽所及。頗不欲囿於時論。少作壯悔。久付哀蟬。掇拾之餘。僅得十一。強顏存之。所謂遂非文過也。甘亭居士識。

小謨觴館詩餘

鎮洋彭兆蓀湘涵

賣花聲 雁門道中

石氣冷斜暉。關路依稀。西風尖似弩牙機。吹過紫崖松一片。卷出紅旗。何處好巖扉。門掩薔薇。雁門山上雁初飛。十五小叢歌略略。緩了征衣。

臺城路

柳條邊口桃花徑。修廊架來厓廣。幹匝屏開。兜渠爐炷。催把八分羹點。驚鴻冉冉。看機印香痕。蒼苔路軟。一握飛雲。春波橫上酒邊臉。神雞放教枕倚。儘假燈鬪腕。坐月嘗芡。半角青山。週遭翠箔。不許塞風偷颭。紅蕤宵掩。只預怕來朝。送人眉斂。六曲瓊疏。日光釵焰閃。

清平樂 調鳳兒

紅樓一角。髻影當風弱。月底吹簫曾有約。紙尾親書署諾。丹山身宿兒家。將雛好

夢眞耶。消受綠玄風味。今生修到桐花。

浪淘沙

屈戌兩鉤纖。繡戶深嚴。薰籠小響夜厭厭。似說浣紗歸略晚。溼了鞋尖。何處望雕奩。數盡銅籤。耐他風露立重檐。今夜二更明月上。萬一鉤簾。

鳳凰臺上憶吹簫 朔州沈別駕席上出家伎侑酒

雞寒風停。羊燈光豔。卸鞍人坐蘭叢。恰舞娟小隊。笑靨春融。排就箏牀盤曲。流雲聚。點點眉峯。釵梁顫。山香一按。飄下殘紅。冬冬。此番見也。記前度窺人。曾在牆東。看霜濃馬滑。索要留儂。生怕無情樂句。催短拍。九月庭空。春魂曷。隨他佩聲。穿過屏風。

虞美人

雪花簾護桃花影。寒悄珠櫳靜。一年幾度粉牆西。生累阿儂。口業到泥犁。豐貂壓鬢驚鴛鴦。朱鳥窗關了。暫時分隔好商量。等得鞦韆時節再形相。

行香子 鬢

盤後鴉濃。掠後雲鬆。壓邊沙、烏帕斜籠。纖髻何處。領略從容。向揭簾時。兜鞋裏。溜釵中。不着游蜂。不放飛蓬。貼珠璫。越樣玲瓏。行雲歸後。明月堂東。有一層香。一層霧。一層風。

百字令

春蕪一道。引鞭絲送到。枇杷花底。綉幔沈沈寒不捲。時被悄風吹起。碧玉梳奩。泥金簫譜。屯字沈檀几。都梁薰處。屏櫺清似秋水。試問小市長陵。誰家姊妹。擅新聲北里。頗解國風哀怨事。生愛鳳窠門閉。小話蘭因。微聞蕙歎。弱絮東風裏。夕陽如此。傷心杜牧歸矣。

高陽臺 悼秀英

絡秀聲名。雲英標格。六時看慣翩跹。話薜擲箏。碧紗傍晚如煙。粉痕彈落餘香膩。領徐娘情味。中年最相憐。月底銖衣。風約雙肩。驚心紫玉成煙去。賸白花飛蝶。青草埋阡。笙鶴蓬山。知他何處因緣。花梢小小梳頭屋。掩春風。永斷珊瑚。識淒然。小極前

頭一曲遊仙。

如夢令

一霎金箏調柱。一霎銀釭低語。如夢忒怱怱。也把盟香說與。無緒。無緒。落月馬蹄郎去。

鵲橋仙

燈長鳳脰。人長錦瑟。敵住玉關風力。柔鄉酒國夢溫磨。聽縹緲穿簾一笛。霜華漸緊。角聲低咽。斜月出門時節。高樓已在數峯西。又何況樓頭消息。

金縷曲 大同道中

煙幕豺山樹。馬郎當、西風茸帽。桑乾呼渡。一隊飛狐峯上雁。倒把玉鞭遙數。問何處、李陵臺路。半統殘碑敲石火。剔蒼苔、難辨朱邪墓。今古事、草頭露。年年腸斷西征賦。話叢殘、漢家飛將。唐家都護。最有蕭家妝閣好。俊煞卓羅花吐。也只賸、香詞魚蠹。急唱伊涼假阿軟。借鯤弦、鐵撥憑他訴。填臆恨、且分付。

滿江紅 寄湘蘅女弟

搔首箋天。悔不作、纖兒駃女。圖半世、居安夢穩。釵荆裙屐。訴憤中心棋子局。量愁一掬梨花雨。誠看他、侍婢賣珠迴。寒如許。彩鸞筆。書韻語。雲錦段。停機杼。喜咒桃猶有。劉綱仙侶。翠袖誰同空谷倚。碧雲分付蘭香佇。祝他年、飽飯武陵源。胡麻煮。

又 客中寄張子白八首

拓戟悲吟。問海內、金蘭幾譜。撐白眼、罵人劉四。笑人鄭五。六合詞華憐疥騷。三都才筆真僞父。論英雄、誰識急裝人。桓宣武。茸城客。詞壇虎。狂態作。新詩賭。似大兒文舉。小兒德祖。酒國掀翻歡伯壘。春場亂打蠻奴鼓。笑一雙、風漢兩花顛。甘陵部。月地花天。狂敵盡。青鞋幾兩。數不了、酒前彩筆。春前蘭漿。雄劍一雙牛斗閃。大刀八尺縱橫盪。儘少年、才氣壓三河。關西將。團沙跡。心空快。蒿我恨。頭應搶。又綠楊杜宇。催子掉鞅。灑血扶將狸首木。遊山拋卻龍鬚杖。感挽歌、和淚送歸驂。哀音響。素鞵東歸。渾不飽、庾郎葱薤。嘆家似、西風黃葉。霎時吹敗。奴婢更無千匹絹。機雲難。

保三間廨。但一樽。臨去酌庭花。卿休怪。焦先屋。拋菅蒯。博士券。書銀蠹。笑立錐。尙
賸大千塵界。雁稅魚租。償盡了。飄蓬再理江湖債。檢緗囊。滿束馬。卿文從頭賣。
秋冷花殷。打包去。黃皮紵縛。看多少。魚龍起。蟄騰霄。鵬鶚。白月團團貽笑句。鶴聲一
一。偷人作。恰泥金。帖子亂飛來。從天落。北平將。無侯爵。子雲字。終投閑。奈膏騰常
醉。張家白雀。腐鼠任誇滋味好。鷓鴣不受林鴟譖。問故人。招隱有書不。予應諾。
放溜秋濤。嘆索米。王門纔踏。早滿目。哀螢蔓草。荒隄古塔。黃歇浦。深波穀遠。呂蒙城
塌。檣風颯。笑覓枝。烏也學行人。飛三匝。休輕掃。平津閣。且只下。陳蕃榻。把名心鏟
卻。但嘗蜩蛤。枚叔里。從淮海訪。阮孚屐。向金焦蠟。儘新詩。高唱和。天風聲鏗。轄
顛到黃輿。誰辨別。神塵跛馬。儘聽慣。陳隋蟬噪。雷鳴釜瓦。面壁未成龍象果。談經空
建鶩摩社。縱登壇。豎拂有誰聽。喉先啞。雞缸酒。斟盈罍。牛腰束。詩盈把。算知音誰
似。安昌侯者。意氣殊羞絳灌伍。淚痕且學姮娥寡。只數行。佳傳倘需君。他年也。
客裏梁鴻。曾語我。孟光有婦。鎮病髻。東風時擁。藥爐煙瘦。常把爛銀盤掩卻。防地奔

月姮娥走。果書來、報落女嬋星。天風驟。且莫嘆。王生白。也莫鼓。莊生缶。想空花開落。幾曾長久。只悔十年容易別。勞渠半世空牀守。問歸來。蛛網胃流黃。傷心否。僕本癡人。干甚事。淚花撲簌。平歷徧。中年悲樂。哀絲苦竹。最薄斷推才子命。難消第一團圓福。怪年來。騎省鬢星星。何其速。蓼莪什。我廢讀。渴鳳句。君應續。算兩番人事。一般根觸。開閣遲君拏艇至。埋愁共把糟邱築。放悲歌。和爾七哀詩。同聲哭。

蝶戀花 漁舟圖

浪絮浮萍。湖海氣。羨煞漁夫。守定蘆花裏。妾自織蓑郎鼓枻。鯉魚風弄春裙細。鏡面荷花三十里。茜色單衫。藕色雙彎臂。棹入南湖眉月起。迢迢天半餘霞麗。

送入我門來 寓館題壁

錦鏤文機。花攢曲榭。瓊窗一片品鹽。聚香迎旭。不怕峭風尖。銀鉤了鳥。層層密。更紫棧銅甌。縷縷纖。說起天涯遊子。也有三間草舍。紙閣蘆簾。賣珠閨裏。新把屋茅添。一枝紅萼無人主。想碧玉抽條。又過檐。

七娘子 雨

敲窗銀竹冷冷碎。惱離情、二等金釵背。碧甃聲淒。紅蕉韻脆。天公那許如鉛淚。
枕頭放處真無謂。甚冰蠶、織就今宵被。剔了燈醒。照來花醉。無言且掩重門睡。

蝶戀花 花朝三首

姹紫嫣紅開滿砌。長晝愔愔。春到消魂未。天早安排將息計。七分陰只三分霽。
花似珠娘初墮地。酥雨如絲。洗出蘭湯膩。院是蘼蕪牆牡蠣。東風一翦千金意。
人與尋香蜂一隊。八寶蘭邊。做箇金錢會。天賦芳根執質脆。護持先要花鈴備。
十
五吳姬初約翠。冑彩梢頭。也當穿犀佩。一一替他排行輩。李娘阿姊桃根妹。
種玉居然煩富媼。誰記庚寅。誰把高禰禱。我欲書成閭史稿。小名合向蓉成考。
杏
嫁梅娘看尙早。試問東君。持底催妝好。十萬榆錢齊撒了。一天紅雨鶯啼曉。

賣花聲 半開花蕊

芳意坼微馨。春色星星。塗妝綰髻小娉婷。政好年華剛豆蔻。十四三零。
紅玉易飄

萍。莫放杯停。待他開到越梅青。總有櫻桃能結子。不算韶齡。

臺城路

賣錫天氣游絲颺。春風又撩人面。阜茨橋頭。寶釵樓上。多少鈿箏歌扇。花憐柳眷。慣金叵羅深。玉檀槽軟。燕乳鶯雛。舊情提起也應倦。天涯黯黯。羈緒守半弓齋屋。長是孤掩。絡角車兒。平頭鞋子。何處茜裙歸緩。簾波旬線。只可惜消魂。梨花庭院。負了窺人。紅襟飛一翦。

浣溪紗 月

不要雲衣護淺深。晶簾了了夜沈沈。露華涼到薄羅襟。玉宇瓊樓千古淚。青天碧海兩人心。商量爭抵一春陰。

水龍吟

花冠喔喔三聲曉。曉風吹到梅花帳。鐘兒纔罷。獨兒未醒。沈沈交網。象篋犀梳。年時猶記。靈蛇妝樣。倩晶盤低見。圓冰雙映。看朵朵、鬢雲漾。剗地征鴻情狀。問犀帷、春人

無恙。天涯夢穩。也應驚斷。轆轤聲響。總有朝霞。料難照見眉間。腮上得知他一片。晨紅射到。幾櫺窗亮。

紅娘子 春暮

陰薄榆錢仄。絮重游絲織。錦段般春。桃波般去。鶯梭般擲。漸東牆拆盡。畫鞦韆。也無人知得。密約憐樊嫵。錦字沈烏鵲。澹墨輕衫。楊花小扇。層城消息。鎮傷春夢雨一年年。了清明寒食。

洞仙歌 七夕四首

昏鐘動早。漸魚雲葉卸。蛤月纖纖一眉射。記簪錢、綺侶蠟鳳雛齡。陳瓜果、共拜雲輶星駕。前塵風電掃。蝶散鰾分。冷落秋娘好亭榭。隨分且銜杯。旅伴天涯。只一桁翠桐花架。縱巧煞靈蛛網條條。須繪不分明。情絲今夜。

星雛靈匹。想九霞光底。卻扇天孫定遙企。笑疏籬、錦石朵朵牽牛。搖風蔓、也解向人流喜。銀灣橋度了。霧幌雲幃。隔歲離愁細提起。只恐感霜娥。碧海青天。長孤守、爛